

大冶縣志續編

1091.3143
39123
部 =



1-2卷



大德縣志後編

大德縣志後編

叙

古者酌國有史皆得專
其官曰精其業然稱良
史才者代不數人自酌

國剖為郡縣而郡縣之
有志猶酌國之有史與
至鉅任至重也於今

聖化重熙風同中外

皇天履念民艱勤非互理往

歲

國史館查取天下郡縣志

書誠以郡縣志足與通

志相表裏凡政治之得

共風俗之純與也才之

興替山水之險夷將於

是噶具辛巳壬午間

上台開脩通志訪各屬
確加採訪纂冊申賈皆
余主邑講席林氏等
周屢召王修為請辭之

再三終不獲命既念文
獻所關責無旁貸爰本
採訪切當乎曰信今而
傳後者編之越式載而

書歲大中丞長洲彭
亨先生諫相推許謂
分門別類攷覈精詳朝
夕諷誦足資政教洵溢

美也上未孟焯既聖余
捧檄將之任江陵又值
重輯通志縣中疊承公
牘囑將應載事宜纂成

申送 林侯復誚余以
主儉申前請且曰忘取
詳要微掌故家無旨微
真底蘊吾子真毋辭維

五

昔倚裝話別行色恩恩
回憶壬午修志之役轉
瞬十餘年於茲已抵任
自來課士公餘重為搜

輯由官郵函書千里藉
報林侯命惟是枯管
無文不足增輝筋縹然
區區之心措是前志之

六

矜慎將事毋敢收供也
竊願後之學者夙以匡
我之不逮剿幸甚

皆在

光緒廿一年歲次乙未
重陽後七日邑人陳鰲
冠洲甫叙於江陵學
署之右舟書屋



大冶縣志後編

一城池

大冶縣治三面瀕水向無城池載在前志免贅

一倉廩

大有倉載在光緒十年續編志書原建倉十口光緒十五年首事生員黃振儀太常寺博士銜附貢李華廷等以存款餘息於西偏增修倉一口十六年生員黃振儀教職陳鼇監生柯采章等復以餘息於東偏增修倉一口連原倉共十二口

一學校

大冶縣志後編

卷之一

城池倉廩學校公局

先儒游酢光緒十九年從祀位在西廡先儒楊時之次

一公局

運道礦務總局

礦務公館

煤局

鐵路

官

運道礦務總局

在縣東五十里石灰窰江隄邊北向

以居總理礦務委員左為收支所以司出納又左公館

二以樓往來員紳又左武弁公館兵卒營房又前電報

房又隄左先為堆機器廠今為武營教廠及營官公館

隄右為李士墩煤局炭廠總局門首即鐵路回車枝路

稍左為火車水臺左近即小輪船停泊所

謝家畝大公館

在縣東三十里為礦務往來員紳行

臺

鐵山大公館 在縣北四十里以居礦務員紳左後洋房營房機房機匠房各一東前電報房一北首上機房二鐵門坎側開山機器房一

此外李家坊為李士墩轉運煤廠下陸地方有車棧房北前有電報房專司鐵山灰窰兩局往來公件並開車停車晷刻後有洋房二營房一南前機匠房二又左整車機器鐵房二距謝家畝大公館二里許又盛洪卿前為王三石煤廠併附誌之

王三石煤局 在縣北二十五里向無房室光緒十六年洋弁踏勘山煤甚佳設局開窰構房屋數十楹上臺派員紳監理歷數年而煤不濟用現經停採其機器房屋仍委員紳看守

鐵路 自鐵山至石灰窰計程五十二里六分光緒十六年十二月前任知縣林佐奉委勘定里數十七年春興築土隄面寬一丈五尺下鋪碎石上安鐵軌十八年七月工竣其間明橋暗洞五十餘道以消水潦十九年始用火輪車運鐵礦至盛洪卿小停下陸中棧計程二十六里三分又分小枝路六條為開車歇車屯車之所由下陸至李家坊小停至石灰窰止運傾入小輪船載

至漢陽鐵爐化煉十八年十月林委署縣事總辦補用知縣李增榮繼之復於鐵山上機房左修小鐵路至鐵門坎老虎墻右修小鐵路至龍洞大鐵石紗帽翅各處開採礦苗由此下山

按讀史方輿紀要載大冶鐵山唐宋時置爐燒煉與邑志符節自後無聞光緒四年戊寅海軍衙門札飭舉辦其經前朝燒煉官山鐵滓滿地礦苗罕有存者土人監生潘景星等願將已業與官山左連鐵子山土名老虎墻油花臉大冶廟陳家灣四處呈獻時知縣林佐再任縣事賞給山價仍未開採十五年己丑九月奉

醇王鈞旨電派洋弁踏勘復電諭制軍張派員護隨以前署縣事陳瑞瀾愛戴在民委之同往採苗化驗始議開鐵路起運嗣是中外員弁相接於道知縣孫克勤署知縣陸佑勤先後供億十六年冬前知縣林佐奉委來董其事民始帖然十七年潘名琚等獻鐵子山毗連鐵門坎山凡九處開採起運益無窒礙洋弁謂燒煉必夾白石方易鎔化潘景星方太和等以官山右連白石山呈獻均經賞價復買軍民田地二千餘畝由上臺發領帑項甃路修屋外餘田八百餘畝佃租以資公用總辦李增榮所修小鐵路皆鐵山寺公地亦經給資修廟

並住持月費其地始入公家是役也肇議於戊寅始事於己丑越今七載皆地方官商同委員傳諭里紳賃買民山不稍勒抑鐵路所經繞避廬墓其不能避者厚給之使另扞造

皇仁 普被草野從風其當地不愛寶之時歟而始終左右地方官以成事則鄉紳候選直隸州州判恩貢徐映丹太常寺博士銜附貢李華廷云

城內育嬰總局 在縣署右偏東向即縣糧米倉舊廨自改徵漕折無復收儲兵燹後旬者棲焉上雨旁風岌岌將圯光緒十六年知縣孫克勤捐廉略葺為義塾延

師開館不逾月調利川去後不果行十七年冬 撫憲

譚 札辦育嬰署知縣陸祐勤議改為育嬰總局折去朽壞重加修治闢閉閣周以垣牆計費數百緡先後稟縣備案總局辦理城內及附郭之黃土五里石磊蛟潭等堡育嬰用助養法另僱乳婦收養棄嬰先是城內與善堂助給本城貧嬰十七年十二月歸併總局給領與善堂遂停發其經費則紳富樂捐行戶客捐典商及鋪戶月捐取用以其羨餘置買西市四鋪門面房屋一所歲收租息九八典錢陸拾串文又袁寶善堂捐北關外武廟右偏鋪屋一所歲收租息九扣典錢拾串文此外

遵 上憲定章於稅契項下每串加錢四文由縣署收計總數發交城局轉發四鄉已經開辦堡分以資津帖取具領狀存卷未辦不得預領暫存城局俟辦成稟縣設局立案隨時照領錢數年有盈絀不能劃一仍按署發總數勻分四鄉又按各鄉堡數多寡勻分細數用昭平允城局攤領本城城內只及附郭四堡應得之數均稟 縣備案此項專為育嬰加取光緒十八年署知縣陸祐勤因漳源口隄閘水漲借撥四百八十餘串防築奉 撫憲譚 藩憲王批飭隄閘局籌還尚未以後邑中一切公用不准借撥分文有案

東鄉育嬰總局 在黃石港鎮下會戲臺基石偏助養經費均與城局同置有陳姓基屋一所李姓市屋一所貢生汪潤輝捐地基一所

關王堡育嬰分局 在堡內白衣菴助養本堡貧嬰經費量力書捐置有水田一石八斗六升五合歲取租穀二十六石八斗裸錢九串五百六十五文

南鄉育嬰總局 在太尉廟助養與城局同經費紳富樂輸共錢三千餘串收齊置產生息又職監馬逢源捐田一石羅順萬捐田六斗

龍濟堡育嬰分局 在堡內龍濟寺助養本堡貧嬰共

捐錢二百三十餘串收齊生息一面勸辦六文救嬰會以補經費之不足

永清堡育嬰分局 在堡內太平寺助養本堡貧嬰共捐錢一百二十串收齊生息監生徐鎮國捐楓樹堡土田一石七斗一升五合花地三十五塊歲納光穀租二十七石四斗二升稞九九大錢二十一串五百文值價銀五百兩詳奉 督部堂張 撫部院譚 會獎情殷保赤匾額

講堂堡育嬰分局 在堡內講堂廟現已勸獲經費一百八十串文侯捐齊置產生息行助養法

西鄉育嬰總局 在保安鎮華光廟助養本鎮及附近之吳王黃土坡橫山等堡經費與城局同

茗山堡育嬰分局 在堡內白石祠助養本堡貧嬰經費舊捐資一百餘串公放生息現又加議樂捐並起六文會以防不敷

石鼓堡育嬰分局 在堡內公所助養本堡貧嬰經費錢一百七十餘串存領生息

彌陀堡育嬰分局 在堡內公所助養本堡東西三
角貧嬰經費四百餘串文領放生息

楊橋堡育嬰分局 在堡內公所助養本堡貧嬰經費

紳富樂輸錢五百五十餘串置買鑪壇畝上莊畝田地
一契價九八錢四百二十串零收取租息並樂輸餘款
開局發給

北鄉育嬰總局 在換繚橋市東嶽廟下重東邊新構
房屋二楹助養與城局同經費五品封職黃德霖捐田
五石值價錢一千五百三十餘串歲收租穀八十餘石
稞錢九串零詳請
兩院憲

奏獎好善樂施字樣准自行建坊又胡藻章捐田一斗胡斗

臣捐田一斗陳芳名捐田五升劉毓芳捐田一斗黃海

槎即黃繼波捐田二斗三升黃瑞麟捐田一斗黃彬捐
田四斗黃振儀捐田一斗胡楓軒捐田一斗

鰲山廟育嬰分局 設在廟內助養經費張煥即友捐

田六石零五合歲收租穀八十三石九斗張銘西捐田
二斗六升六合納租穀四石六斗張守樸捐田一斗五
升納租穀二石一斗又中下各戶共捐錢一百七十串
零收存生息濟用

金橋堡育嬰分局 賃查榮蔭屋開設助養經費樂輸

錢四百九十餘串收存生息濟用

治邑溺女之風嘉道間相沿難禁兵燹後漸知嚮善同治二年署知縣易振元捐廉五百緡為倡諭城內及四鄉分作權輿聚資設局育嬰未幾解組去邑中不盡奉行城紳舉人黃昂杰等分領官捐百緡勸資設立興善堂助養城內四鄉亦漸有興起者設局地方具載前志光緒十七年奉

撫憲譚

制軍張

奏准通飭舉辦署知縣陸祐勤捐廉倡率筵請紳富敦勸定

大冶縣志後編

卷之一

育嬰試館

八

章每田一石捐錢一串民皆樂從有破格捐助者復親往四鄉查巡督飭民益罔敢懈接任知縣林佐諭催董成各局皆認真籌畫溺風寢息所願已辦者實力奉行未辦者量力舉行庶益副 上憲及前後 賢父母保赤之誠即以體

朝廷子惠元元之至意歟

治城試館 在鄂城曇華林房屋二重前至官街後院

餘基直抵靄園右偏山坡丈尺詳內捐約內監生馬輝祖遵父原

任福建甯縣知縣馬國琛遺命捐作城內生童文試館城內上中下戶復聚資在餘基內構屋一重光緒二